



Pou Piblikasyon Imedya: 17/10/2022

GOUVÈNÈ KATHY HOCHUL

GOUVÈNÈ HOCHUL ANONSE LANSMAN PWOGGRAM SIBVANSYON DEVLOPMAN MENDÈV ESTRATEJIK KI KOUTE 150 MILYON DOLA

*Pwogram Sibvansyon Reminerasyon pou Pèfòmans ki koute 115 milyon dola pral
sipòte pwogram fòmasyon k ap ofri kalifikasyon ak sètifikasyon endistri yo
rekonèt nan domèn ki gen anpil demann yo*

*Pwogram Sibvansyon Kapital pou Devlopman Mendèv ki koute 35 milyon dola
pral ede founisè edikasyon ak fòmasyon mendèv yo ak depans kapital yo pou bay
pwogram pou yon peyizaj travay k ap evolye*

*Akonpli angajman Gouvènè Hochul te pran sou Sityasyon Eta pou ede satisfè
bezwen patwon yo, ogmante kapasite fòmasyon, ak pozisyon moun k ap chèche
djòb New York yo pou yo okipe bon jan kalite djòb ki gen demann yo*

Gouvènè Kathy Hochul te anonse jodi a lansman pwogram sibvansyon pou devlopman mendèv 150 milyon dola Eta New York la, ki te administre pa Biwo Devlopman Mendèv Estratejik (Office of Strategic Workforce Development) ki fèk fòme nan Empire State Development lan. Pwogram Sibvansyon Reminerasyon pou Pèfòmans (Pay for Performance Grant Program) lan ki koute 115 milyon dola ak Pwogram Sibvansyon Kapital pou Devlopman Mendèv (Workforce Development Capital Grant Program) la ki koute 35 milyon dola fèt pou satisfè bezwen mendèv Eta New York la, ogmante kapasite founisè fòmasyon mendèv yo, ak pozisyon Nouyòkè yo pou yo okipe bon jan kalite travay ki gen anpil demann yo. Pwogram sibvansyon yo reprezante dènye apwòch re-imagine eta a pou devlopman mendèv estratejik, kolaboratif ak ekitab pou ankaraje kwasans ekonomik.

"Avèk envertisman 150 milyon dola sa a nan mendèv eta a, nou kenbe angajman nou pou fè New York vin yon eta ki pi pratik pou biznis ak travayè yo nan nasyon an", **Gouvènè Hochul te deklare.** "Mwen te anonse nouvo Biwo Devlopman Mendèv Estratejiknan nan diskou sou sityasyon Eta mwen an pou asire ke New York ap bati mendèv li nan tout kote - alafwa nan atire konpayi ki gen gwo kwasans nan eta nou an ak nan devlope talan premye plan pou okipe djòb yo pote yo. Gras ak envertisman sa a, n ap ede okipe wòl enpòtan nan tout eta a epi n ap prepare moun k ap chèche djòb nan New York pou karyè yo alavni."

Gid pwogram konplè yo ak lyen ki mennen nan Aplikasyon pou Finansman Konsolide (Consolidated Funding Applications) yo disponib sou sitwèb Biwo Devlopman Mendèv Estratejik la [isit la](#). Yo pral aksepte aplikasyon yo sou yon baz kontinyèl epi yo prevwa anonse prim yo chak de mwa apati mwa desanm. Dat limit pou aplikasyon pou premye seri finansman sibvansyon an se 14 novanm 2022.

Gouvènè Hochul te premye pwopoze novo Biwo Devlopman Mendèv Estratejik la nan diskou sou Sitiyasyon Eta li a epi [li te etabli](#) biwo a an avril 2022 pou pi byen satisfè bezwen endistri a epi kreye opòtinite karyè pou Nouyòkè yo. Biwo a pral travay avèk founisè fòmasyon mendèv yo pou sipòte fòmasyon ki akse sou endistri ki bay konpetans ki gen anpil demann yo ak plasman travay dirèk. Anplis de sa a, ESD pral travay men nan men ak 10 Konsèy Devlopman Ekonomik Rejyonal (Regional Economic Development Councils, REDC) eta a, ki pral angaje ak moun ki gen enterè lokal yo epi ede yo idantifye konpetans espesifik ak endistri yo pou bay priyorite nan chak rejon nan ekonomi apre pandemi an. Objektif la se ankouraje novo opòtinite ekonomik pou travayè ki p ap travay, ki pa travay ase ak sila yo ki pa reprezante ase yo, pandan y ap satisfè bezwen biznis yo nan sektè komèsyal ki sible yo. Finansman pou Biwo Devlopman Mendèv Estratejik la ak pwogram sibvansyon sa yo te enkli kòm yon pati nan Bidjè Eta pou Ane Fiskal 2023 a.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Pou Eta New York grandi ak pwospere nan 21èm syèk la, nou bezwen envesti nan pwogram ki bay ak kreye opòtinite pou plis Nouyòkè aprann konpetans patwon yo bezwen yo. Sibvansyon sa yo pral ede kreye yon mendèv ki 'pare pou lavni' - youn ki gen ladann moun ki tradisyonèlman fè fas ak baryè anplwa - pou nou ka atire novo biznis yo, devlope bon travay, epi kreye yon ekonomi Eta New York ki pi divèsiye ak fleksib."

Senatè Eta Anna M. Kaplan, te deklare, "Siksè rekiperasyon ekonomik nou an depann de kapasite nou pou satisfè bezwen anplwayè yo ak yon mendèv lokal ki prepare pou travay jodi a ak demen. Satisfè bezwen sa yo egzije yon apwòch konsantre epi ki byen kowòdone nan devlopman mendèv ke nou finalman genyen nan Eta New York nan kad novo Biwo Devlopman Mendèv Estratejik la. Sibvansyon sa yo se yon faktè ki chanje jwèt ki pral finalman bati enfrastrikti devlopman mendèv nou bezwen an pou ede Nouyòkè yo epi devlope ekonomi nou an."

Harry B. Bronson, ki se Manm Asanble, te deklare, "Devlopman mendèv se devlopman ekonomik. Sa a se plis pase yon filozofi epi mwen fyè paske Eta New York angaje resous li yo pou kreye Biwo Devlopman Mendèv Estratejik la. Pandan n ap kontinye retabli anba pandemi COVID-19 la, nou pa ka bliye mendèv ki te fè nou travèse kòmansman pandemi an. Travayè yo toupatou nan eta sa a te kenbe sèvis esansyèl an fonksyon epi yo te sakrifye yo pou kominate nou yo. Li te vin klè byen vit ke yon mendèv byen prepare se te pi bon liy defans nou kont COVID-19 la epi ke investisman estratejik nan mendèv nou an te anreta depi lontan. Pi devan novo biwo sa a pral ede konekte pwogram devlopman mendèv yo ak novo endistri k ap emèje yo atravè eta nou an. Mwen te yon defansè modèl sa a depi lontan, epi mwen remèsyé

Gouvènè Hochul pou apwòch inovan sa a pandan n ap fè efò pou yon rekiperasyon enklizif ak ekitab pou fanmi Eta New York yo."

Direktè Egzekitif Asosiyasyon Pwofesyonèl ak Fòmasyon pou Travay New York (New York Association of Training and Employment Professionals, NYATEP)

Melinda Mack, te deklare, "Kapasite New York pou pwospere ekonomikman depann de genyen yon mendèv ki kalifye epi ki pare pou travay. Sa vle di yon bagay ki diferan pou tout moun. Nou espere travay avèk Empire State Development pou asire ke pwogram enteresan sa a satisfè bezwen Nouyòkè k ap chèche yon bon oswa yon pi bon travay, pou kominote biznis la ka okipe plizyè milye travay ki ouvri atravè Eta a."

Pwogram Sibvansyon Reminerasyon pou Pèfòmans ki koute 115 milyon dola

Pwogram Sibvansyon Reminerasyon pou Pèfòmans lan pral sipòte bezwen resous operasyonèl pwogram fòmasyon ki ofri kalifikasyon ak sètifica endistri rekonèt nan domèn ki gen gwo demann yo pou ranfòse ak elaji operasyon yo. Anplis de sa, sibvansyon yo pral sipòte ogmante pwogram fòmasyon pou devlopman mendèv atravè Eta New York k ap sèvi popilasyon ak endistri yo idantifye kòm priyore pa ESD ak Konsèy Devlopman Ekonomik Rejyonal Eta a. Yo pral bay finansman atravè de aspè: sibvansyon pou fonksyònman, ki konsantre sou kouvri depans pwogram yo; ak rekonpans pou ranfòse kapasite ki baze sou ankourajman pou devlope pwogram fòmasyon ki plase estajyò yo nan bon djòb avèk siksè.

Aplikan ki elijib yo enkli òganizasyon kominotè, òganizasyon san bi likratif yo, chanm komès ak asosyasyon komès, kèk òganizasyon gouvènmantal tankou konsèy devlopman mendèv, enstitisyon edikatif, ki gen ladann edikasyon siperyè, founisè edikasyon karyèak teknik, pwogram fòmasyon mendèv òganize, founisè fòmasyon pou pwofi yo.

Prim Sibvansyon Fonksyònman yo pral varye ant 50,000 dola ak 1 milyon dola a. Prim pou Bati Kapasite yo varye ant 1,500 dola -4,000 dola pou chak moun ki resevwa fòmasyon yo plase nan yon "bon travay" ki kalifye - nan yon endistri ki sible ki gen gwo kwasans jan sa defini nan direktiv yo. Kantite lajan egzak la pral baze sou pwofondè ak lajè sèvis yo ki enkli:

- Dimansyon sèvis konplè yo bay tankou gadri, pwogram sou entènèt, lèse-pase transpò piblik oswa lòt sipò transpò, fòmasyon karyè, ak fòmasyon nan konpetans pwofesyonèl oswa nan reyisit.
- Bezwen popilasyon yo sèvi a, epi si wi ou non li sèvi moun ki defavorize sosyalman ak ekonomikman ki pa nan mendèv la, moun ki p ap travay, ki pa travay ase, ak/oswa moun ki pa gen revni fèb yo.

Pwogram Sibvansyon Kapital 35 milyon dola a

Pwogram Sibvansyon Kapital la pral bay 35 milyon dola nan sibvansyon pou sipòte bezwen kapital pwogram fòmasyon mendèv ki nesesè pou elaji ak amelyore fòmasyon pou pwojè ki pwomèt atravè rejon devlopman ekonomik eta a ak sektè endistri yo.

Sibvansyon yo pral itilize pou amelyorasyon kapital tankou modènize sant fòmasyon, bati novo enstalasyon, ak acha machin ak ekipman.

Finansman Sibvansyon Kapital la pral ogmante kapasite founisè fòmasyon mendèv yo ki te toujou montre rezulta favorab yo e ki te kreye opòtinite travay pou kominate ki pa jwenn ase sèvis yo, sa ki bay yon sous finansman pou pwogram ak efò inovan nan Eta New York ki ka pa kapab itilize finansman mendèv federal. Y ap bay preferans pou pwogram fòmasyon ki bay opòtinite pou plasman travay dirèk, ak sa yo ki enplike apwòch plasman pwo-aktif, tankou estaj, patenarya endistri ak konpayi ki anboche patisipan yo pou pozisyon aplentan, ak pwogram ki bay sipò apre plasman. Sibvansyon kapital yo pral varye ant 100,000 dola ak 3 milyon dola, pandan y ap bay jiska 50 poustan nan depans pwojè yo.

Pou plis enfòmasyon sou Biwo Devlopman Mendèv Estratejik la, oswa pou aprann plis sou pwogram sibvansyon sa yo, vizite <https://esd.ny.gov/office-strategic-workforce-development>.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418